

類編增廣頴濱文集

三十七至四十二

庫 文 閣 内			
一五函	一五册	三四六三號	漢書類

庫 文 閣 内			
三三函	一五册	三四六三號	漢書類

内 閣 文 庫			
番 號	漢	3463	
册 數	15 (4)		
函 號	3	4	



綴じ部(喉部分)の文字など不鮮明な個所があります。

類編增續類瀆大全文集卷第



詩集

送顧子敦奉使河朔

去年送君使河東今年送君使河北連年東北少安居
慨憐君色自得
河流曲折不入土千里汗漫被原隰壯夫奔亡老稚死粟麥无苗安取食
君憂自厚自古然自詭過門三不入忠誠一發鬼神輔心念既空謀計集
堤防雄立村落定波浪欲收蛟蜃泣二年歸國未為父故舊相看髮猶黑
成功豈在延世下好勇真令腐儒服此時為國須河平當使君名長不沒
席上再送

人言虎頭癡勇作河朔游黃河六七月不辨馬与牛單甲徑北渡橫身
西流虎頭亦不癡志在方戶侯徭徭歷三邊歸借坐上箠腰垂黃金印不
受白髮羞此計雖落落但問有志不臨歧且一碎行役方未休
次韻子瞻相送使胡

朔雪胡沙試此身青羅便面紫狐巾擁檀代北隨飛鷹頓足江東有卧麟
欺酒壺冰將送臘照溪梅萼定先春漢家五餌今方驗更愧當年歎息人



日色映山才到地雪花鋪草不曾消晴寒不及陰寒重攬篋猶存未着貂

過楊无敵廟

行祠寂寞寄關門野草猶知避血痕一敗可憐非戰罪太剛嗟獨畏人言
馳驅本為中原用肯身能令異域尊我欲比君周子隱誅彤聊足慰忠魂

燕山

燕山如長蛇千里限夷漢首銜西山麓尾掛東海岸中開咳箕舞末路牽
一線却顧沙漠平南來獨飛鴈居民異風氣自古習耕戰上論召公奭礼
樂比姬旦次稱望諸君術略亞狐管子丹號无策亦數游俠冠割弃何人
斯腥臊久不瘳哀哉漢唐餘左衽今已半玉帛非足云子女罹蹈踐區區
用戎索久尔縻郡縣從來帝王師要在侮亡乱攻堅其攻玉乘暇易水泮
中原但常治敵勢要自亦會當挽天河洗此生齒万

趙君偶以微恙乘馳車而行戲贈二絕

鄰國知公未可風雙馳借与兩輪紅七年出塞三千騎卧畫輜車也要公
高屋寬箱虎豹袖相逢燕市不相親忽聞中有京華語驚喜用簾笑殺人

會仙館二絕

北嶂南屏恰四周西山微缺放溪流胡人置酒留連客頗識峯巒是勝遊
嶺上西行雙石人臨溪照水久逡巡低頭似愧南來使居處雖高已失身

出山

燕疆不過古北關連山漸少多平田奚人自作草屋住契丹駢車依水泉
橐駝羊馬散川谷草枯水尺時一迂漢人何年被流徙衣服漸變存語言
力耕分獲世為客賦役希少聊偷安漢奚單弱契丹橫自視漢使心凄然
石塘竊位不傳子遺患燕薊逾百年仰頭呼天問何罪自恨遠祖從祿山
此諧燕人語也

奚君

宅在東京南

奚君五畝宅封戶一成田故壘開都邑遺民雜漢編不知臣僕賤漫喜殺
生權燕俗嗟猶在婚姻未許連

惠州

傳聞南朝逃叛者多在其間

孤城千室閉重闌蒼莽平川絕四鄰漢使塵來空極目沙場雪重欲无春
羞歸應有李都尉念舊可伶徐舍人會逐單于滑橋下歡呼拜馬車塵

神水館寄子瞻兄四絕

十一月二十六日是大風

少年病肺不禁寒命出中朝敢避難莫倚皂貂欺朔雪更催靈火煮松丹

馬上作李若芝
守一法似有功

夜雨從來相對眠茲行万里隔胡天試依北斗看南斗始竟吳山在目前
誰將家集過幽都逢見胡人問大蘇莫把文章動蠻貊恐妨談笑卧江湖
虜廷一意向中原言語綢繆禮亦虔願我何功慙陸賈橐裝聊復助歸田

木葉山

奚田可耕鑿遼土直沙漠蓬棘不復生條幹何由作茲山亦沙阜短短見
藜薄冰霜葉隨尺鳥獸紛无託乾坤信廣大一氣均美惡胡為獨窮陋意
似鄙夷落民生亦復尔垢汙不知作君看齊魯間桑柘皆沃若麥秋載万
箱蚕老簇千箔餘梁及狗彘衣被遍城郭天工本何心地力不能博遂令
堯舜仁獨不施礼樂

虜帳

虜帳冬住沙陲中索羊織葦柝竹宮從官星散依冢阜瓊廬罽室欺霜
風春梁煮雪安得飽擊免射鹿夸強雄朝廷經略窮海宇歲漬縉纒系消頑
凶我来致命適寒苦積雪向日堅不融聯翩歲月有來使屈指已復過奚封

礼成即日卷廬帳釣魚射鵝滄海東秋山既罷復來此往返歲歲如旋蓬
彎弓射獵本天性拱手朝會愁心宵甘心五餌墮吾術執類畜鳥遊撻龍
祥符聖人會天意至今燕趙常耕農尔曹飲食自謂得豈識國朝先和戎

十日南歸馬上口占呈同事

南轅初喜去龍庭入塞猶須閱月行漢馬亦知歸意速朝賜已作故人迎
經冬舞雪長相避屈拍新春旋復生想見雄州饋生菜菜盤酪粥任縱橫

傷足

少年謬聞道直往寡所疑不知避礙嶮造次逢顛危中歲飽稟進退每
自持長存鄙夫計未免達士嗤前日使胡罷晝夜心南馳中途冰塞川濕
淥无津涯僕夫執轡且前我亦忘止之馬眩足不禁拉然卧中坻異域非所
息據鞍幾不支昔嘗誦楞嚴聞有乞食師行乞遭毒刺痛劇侵肝脾念竟
雖覓痛无痛痛竟知念極良有見遂与九夫辞我今亦悟此先佛豈見欺
但尔不即證欲往嘗遲遲咄哉後來心當与初心期

春日寄內

春到燕山冰亦消歸驂迎日喜票姚久行胡地生華髮初試東風脫弊貂

插髮小幡應正尔點盤生菜為誰挑附書勤掃東園雪到日青梅未滿條

渡桑乾

北渡桑乾冰欲結心畏穹廬三尺雪南渡桑乾風始和水開易水應生波
穹廬雪落我未到時堅白如槃陀會同出入凡十日腥羶酸薄不可食
羊脩乳粥差使人風墜沙場不宜客相携走馬渡桑乾旌旂一返无由還
胡人送客不忍去久安和好依中原年年相送桑乾上欲話一溝一惆悵

將帥

送將官歐育之徐州

輕衫駿馬走春風未識彭城氣象雄青山只在白門外明月尺屬黃樓中
五斗濁醪消冰日一雙鳴鏑戲晴空歸來笑殺幙府客閉戶看書滴滴窮

送梁交供備知莫州

猛士當令守四方中原諸將近相望一樽度日空閑暇千騎臨邊自激昂
談笑定先降虜使詩書仍得請戎行君看宿將何承矩安用摧鋒百戰場

送高士敦赴成都兵鈐

揚雄老病久思歸家在城東更向西邂逅王孫馳駟騎丁寧父老問耕犁
禪房何處不行樂壁像君家舊有題德意未妨三世將時平空見方丈齊

郭綸

綸平河西弓箭羊屢戰有功不賞自黎州都監官滿貧不能歸

權嘉州監稅

郭綸本蕃種騎鬪雄西戎流落初无罪因循遂龍鍾嘉州已經歲見我涕
无窮自言將家子少子學彎弓長遇西鄙亂走馬救邊烽手挑丈八矛所
往如投空平生事苦戰數與大寇逢昔在定川寨賊來如群蜂万騎擁酋
帥自謂白相公揮兵取其元模糊腥血紅戰勝士氣振赴敵如旋風蚩蚩
擅乘將不信勇且忠遙語相勸誘一矢摧虜酋短兵接死地日落沙塵蒙
馳歸不敢息馬口銜折鋒誰知八尺軀脫命乃死中忽聞南蠻叛羽檄行
忽忽將兵赴危難瘴霧不鮮衝行經賀州城寂寞無人蹤攀堞莽不見入
據為築壘一旦賊兵下百計燒且攻三月不能陷救至遂得通崎嶇有成
績元帥多異同有功不見賞憔悴落巴賓已矣誰復信言言氣恟恟余不
識郭綸聞此為斂容一夫何足言竊恐悲群雄此非介子推安肯不計功

郭綸末當敗用之可前鋒

憲漕

送提刑孫頌少卿移湖北轉運

持節憂邦刑職業已自簡下車攝留都談笑事亦下開軒揖佳客退食事
書卷為政留幾何清風自无限官居歲月迫歸念湖湘遠依依東軒竹
凜凜故人面詔書遂公私使節許新換舊俗行當經家山企可見官游得鄉
國勞苦願猶願歸旆正滂洋行軻豈容緩

送轉運判官李公恕還朝

我行未厭山東遠昔遊歷下今梁苑官如雞肋浪奔馳政似牛毛常龜勉
幸公四年持使節按行千里長相見應勗穽秋田伏兔驚驥馳平野疲牛劫
似憐多病與時違未恠兩州從事懶除書奪去一何速歸袖翩然不容挽
黃河東注竭崑崙鉅野橫流入州縣民事蕭條委濁流扁舟出入隨奔電
回首應懷微禹憂歸朝且喜寧親便公知不楚即為魚勸築宣防不負緩

送王宗望郎中赴河東漕

春初戎馬掠河壖屬國倉皇不解鞍未免驅民餽邊食旋聞奉使輟郎官
年高轉竟精神勝慮穩要令事業安持節近看慈嶺雪擁裘應憤鷹門寒

類編穎濱大全文集卷第三十七

類編增廣穎濱先生大全卷第三十八

庶官

守倅

表弟程之邵奉議知泗州

馬有千里足所願百里程馬心自為計安用終日行何人志四方欲買千
金輕吾弟有俊才見事心眼明二年坐北部万口傳佳声談笑頑狡伏何
曾用敲榜艱難得銅虎洗眼長淮清民事不足為但當食魚其負重貴餘
力過飽多傷生不見大路馬垂頭畏繫纓

送王震給事知蔡州

朝廷入志返冠蓋如雲屯賢哉貴公子獨以民社言西臺出命書落筆波
濤翻東臺與封駁坐惜日月奔試劇得上蔡高卧強東藩早歲獨多變時
雨如傾盆鈴軒首鞭扑幙府多壺樽逡巡文字心樂片去簿領煩賜環行當
至坐席恐未温三槐日成陰富貴屬曾孫

送李誠之知瀛州

少年學詩書晚歲探至道豈伊封疆臣乃是廊廟室苦恨富貴遲声名得
空早憶惟西巷桀始建元戎轟恩威炳朝日号令靡秋草功勳不容究孤

高易摧倒歸來易三邦但養曾中顯寧知北邊將還須用耆老春風吹旌
旆先聲遍城保往事安足徵遺黎待公保

送陳侗同年知陝府

上書乞江淮得請臨關河所得非所願親友或相訶丈夫志四方所遇常
凌迤况當國西屏形勝古來多崑崙湧北郭華岳垂東阿羗虜昔未平驛
騎如飛梭間謀時出沒關梁苦誰何爾來一清淨西望多麥禾魏絳方和
戎先零正投戈秦人釋重負道路聞行歌便當卧承閣步第除網羅時時
一嘯咏未用勤催科諸孤寄吳越食口如鴈鵝時分橐中金何必手自摩

送文與可知湖州

連持梁洋印久作溪山主深知為郡樂但畏買茶苦來歸天祿閣坐守登
聞鼓九重未明入百辟盈庭舞城南獨歸卧心事誰當語舊聞吳興勝試
問天公取家貧素裝及歲莫輕帆幸若溪淨多石弁嶺瘦无土湖藕雪冰
絲山茶潑牛乳香粳飯玉粒鮮鯽鱠紅縷宮開水精潔人寄盈屏住俗吏自
難堪詩羽正當與從來思清絕况乃病新愈團團肘後丹嵩嵩肯中素
高卧鎮夸俗清談靜煩訐雁笑杜紫微湖亭但狂願

送王庭老朝散知魏州

滿腹貯精神觸手會眾理一發十五年直坐才多耳我昔遊宋城憶始識
君子簿書瑱立山賓客乱蜂螳出尋城下宅屢疑床前履清談如鋸木落
屑紛相委解頤自有樂置酒姑且止遂巡破黃封婉婉歌皓齒風高熊正
白霜落蟹初紫夜闌意未厭河斜客忘起歸來笑僮僕孰醉未曾尔江湖
一流蕩歡意日頽弛西還經舊遊相逢值新喜詔催西州牧門有朱轡泥
都城挽不住山賊近方侈提刀索崖谷援桴動閭里居家百无與王事非
有已何日却休官復飲梁王市

送曾有開中大知洛州次子瞻韻

仲連雖不仕而非綺與園遂巡笑談間屢解戰鬪繁子敬識二孫長揖鼓
鼙喧意氣感周郎振策起江村二賢繼英風千載為高門曾孫事仁祖
風義夙所敦葦閣餘故事父老稱遺言白須識公子十載友元昆婆娑久
不試俛仰色逾溫五馬忽嘶鳴朱輪夾征軒旌旄隔江至部曲幾人存銅
虎不可留芻狗行當燔秋燎决河防遺黎化驚魂憂心念千里何暇把一
樽西城叩門別南風吹帽翻嗟我限出謁未敢逾短垣新晴水尚壯想見

民驚奔安得方文堪止此百里渾姑尔救一境誰當理其源百聞貴一見尺書為我論

送董楊休比部知真州

奏課西南最分符江海衝往來觀惠術蟠錯試餘鋒文字從堆案簿壘強解容金山只隔水時復聽晨鐘

送蘇公佐修撰知梓州

乘輅舊西蜀出鎮復東川父老知遺愛壺漿定滿前江山昔年路旌節異邦權望重朝中舊疆分劔外天歲登无猛政蠶服罷防邊去國身雖樂憂時論獨堅孤誠抱松直彙進比茅連我亦相從逝疎狂且自全

送周思道朝議歸守漢州三絕

早緣民事失茶官解印重來十二年美惡一周還自復始知東里解言天梓漢東南甲乙州同時父子兩諸侯正孺時出守梓州它年我作西歸計兄弟還能得此不

酒壓鄆筒憶舊醅花傳立老出新圖漢州官酒蜀中推第一趙昌畫花模劔丘文播亦西州所尤也此行真勝成都尹且為房公百頃湖

送周正孺自考功郎中歸守梓潼兼簡呂元鈞三絕

白髮熙寧老諍臣凜然心膽大於身吾儕坐看馮唐去誰起雲中發弃人十年符竹守吾州故吏相逢嘲土牛母謂徐公不堪用諸人自与世沉浮東道如聞近稍安乘驄按部凜生寒忽逢太守能相下俱是從來言事官

送錢教女州純老

桃花汴水半河流已作南行第一舟倦報朝中言嘖乱喜聞淮上擄啣吻平時荅策詞无枉此去為邦學更優自古東陽足賢守請君重賦沈公樓

送呂希道少卿知滁州

長怪名卿亦坐曹忽乘五馬列旌旄才多莫厭官无事郡小不妨名自高庶子定應牽賦詠醉翁聊復繼遊遨試尋苦戰清流下要識經綸帝業勞

次韻宋朝請端守彭城

得郡迎親願不違書來无復寄當歸馬馳未覺西南遠烏哺何辭日夜飛湖水欲平官舍好茶征初復訟氓稀平反聞道加食飯五袴應須換破衣

送龍蒼非臣諫議移守青州二首

稷下諸公今幾人三為祭酒髮如銀梁王宮殿歸留鑰尚父山河屬老臣

沂水弦歌重曾點，苗川故舊識平津。過家定有金錢費，千里爭看衣錦身。
西山負海古諸侯，信美東南第一州。勝勢未容秦地險，竒花僅比雒城優。
新絲出盎冬裘具，貢棗登場歲事休。鈴閣虛閑官釀熟，應容將佐得遨遊。

次韻李曼朝散得郡西歸留別二首

風波定後得西歸，烏鵲喧呼里巷知。未熟黃粱驚破夢，相看白髮信乘危。
豚肩尚有冬深味，蠶器應逢市合時。父老為公留臘酒，不須猶唱式微詩。
懷印徒行尚故衣，邸中掾史見猶疑。千人上塚鄉閭動，五馬行春雨澤隨。
醉裏墜車初未覺，道中破甑復誰悲。西行漫遣親朋喜，早賦陶翁歸去時。

送王恪郎中知襄州

魏公德業冠當年，汝守威名竦漢邊。將相傳家俱未遠，子孫到處各推賢。
風流最喜君真似，符竹連分政得專。峴首重尋碑憤淚，習池還拍客橫鞭。
逃亡已覺依劉表，寒俊應須禮浩然。當有郡人知古意，欄街齊唱接羅篇。

送賈訥朝奉通判眉州

歸念長依落日邊，壺漿今見逆新官。聲傳已覺謳歌遍，身到前知政令寬。
民病賢父來已暮，時平蜀道本無難。明年我欲修桑梓，為賞庭前荔子丹。

眉州倅廩有荔
枝二株甚大

送張恕朝奉南京簽判二首

楚解吳柑初着霜，梁園官酒試羔羊。老如計相非无齒，清似留侯未卻糧。
杖屨稍通賓客過，殺蔬要遣子孫嘗。詔書委曲如公意，幕府新除朱紱郎。
朱紱還家罷倚門，留都无事最宜親。下車趨走驚鄰舍，決獄平反慰老人。
相見只今多邂逅，舊遊它日半埃塵。何年重起扁舟興，會作東湖十日賓。
教授

送家安國赴成都教授三絕

城西社下老劉君，春服舞雩今幾人。白髮弟兄驚我在，喜君遊宦亦天倫。

微之先生門人惟僕與子瞻
兄復禮與退翁兄皆仕耳

垂白相逢四十年，猖狂清味老俱闌。論兵頓似前賢語，莫作當年故巨看。
石室多年款誌平，新書又溷里中生。遣師今見朝廷意，文律還應似兩京。

初到陳州二首

謀拙身无向，歸田久未成。來陳為懶計，傳道愧虛名。俎豆終難合，詩書強
欲明。斯文吾已試，深恐誤諸生。

久愛閑居樂，茲行恐遂不上官。容碌碌飽食，更悠悠枕書。成癖湖邊柳。

散愁踈慵愧韓子文字化潮州

掾屬

送家定國同年赴永康掾

清直岷山掾登科已七年迎親就魚稻為吏擇林泉去騎關中熱歸心沫
水鮮官閑幸可樂記買鷓鴣煎永康多鷓鴣

送霸州司理翟曼

大梁能賦客邊郡數為曹官職不相稱聲名終自高試觀為吏苦應過諫
主勞努力事初官尺絲无厭縲

送張正彥法曹

憶見君兄弟相携謁侍郎通經誇早歲落筆及成章試劇何風發管管便
激昂三年知力竭太府覺才長知己未如格婦貴纔滿囊舊書還讀否
師說近淒涼君以三傳及
第今廢此科

次韻子瞻聞不赴商幕三首

怪我辭官免入商才踈深畏忝周行學從社稷非源本近讀詩書識短長
東舍久居如舊宅春蔬新種似吾鄉閉門已學龜頭縮避謗仍兼雉尾藏
堆藏不能尽是
取人以爲諫

南阿古各曹虛署長吏居民怪不來妄語自知當見弃遠人未信本非才
厭從貧李嘲東閣懶學諛張緩兩顯知有四翁遺迹在山中豈信少人哉
填動荒鳴只自知憂輕責少幸官卑名漫作耳中瑱科第空收領底髭
西鄙倡狂猶將將中朝閑暇自師師近成新論無人語仰羨飛鴻兩翅差

令丞

蔡州任氏閔世堂

朱君長桐鄉死食桐鄉社吏民安君德君亦愛其下遺言於斯茲存沒勿
相捨自知得民深千歲誰似者任君治新息寬惠洽鰥寡強梁順教詔粹
鼓不鳴野三年去復還園木栽拱把居人敬閭巷禽鳥依屋瓦蒼然百尺
檜直幹任大厦相要勿剪伐令尹昔所舍

送傅宏著作歸觀待觀城闕

膠西前輩鄭康成千載遺風及後生舊學詩書儒術富兼通法律吏能精
還家綵服頻為壽得邑河壩喜有兵民事近來多迫促弦歌聊試武城聲

律有鄭
氏章句

曹郎子文赴山陽令

囊空口衆不堪閑却喜平生得細論鶴髮進封償舊德彩衣聽訟勉平反

楚風剽疾觀新政浙水蕭條詠舊恩
記取老人臨別語茶瓢霜後早相存

次韻毛君經旬不用鞭朴

共喜秋深酒味醇官曹休暇不須旬
政寬境內棠陰合訟去庭中草色新
不惜牛刀時一割已因鼯鼠發千鈞
歲終時為公書考豈止江西第一人

將移績溪令

坐看酒壚參五年恩移若邑稍西還
它年負富隨天與何日身心聽我閒
山栗似拳應自飽蜂蟻如土不須墜
仲知意向桐鄉好身後丞嘗亦此閒

送高安羅令審禮

一邑夏勞水旱中牛刀閑暇似无功
政成仍喜新蚕熟歸去還將舊書空
清白久聞誇父老沉埋誰為愬諸公
謫居長恨交遊少帳望肩輿又欲東

次韻汪琛監簿見贈

連宵暑雨氣如秋過客不來誰與遊
賴有澹其青相顧坐令彭澤七公休
琴疎不辨彈新曲學廢誰令致束脩
漸愧邑人怜病懶共成清淨勸遲留

初到績溪縣事三日出城南謁二祠偶成小詩呈諸同官

謁梓桐廟

行年五十治丘民初季催科愧廟神
无限青山不容隱却看黃卷自怜貧
雨餘嶺上雲披絮石淺溪頭水蹙鱗
指點縣城如手大門前五柳正搖春

謁汪王廟

石門南出衆山顛沃壤清溪自一川
老令舊語田事樂春耕正及雨情天
可憐鞭撻終无補早向叢祠乞有年
歸告仇梅省文字麥苗含穗欲蚕眠

監當

送張唐英監閬州稅

閬中雖近蜀監稅本閑官豈足俺賢
後聊應長羽翰讀書心健不負策意
何闌未可厭畋獵田中有走豸

送孫監淮西酒并示諸任二首

疇昔南遷海上雷艱難唯與汝同來
再從龍尉茅叢底旋下雲橋荔子堆
相與閉門尋舊爨誰言復出理官醅
乘田委吏先師事莫學陶翁到即回
淮西留滯昔經年唯有諸任時往還
炊黍留賓不嫌陋惜書度日免長閑
歸來濕水無人問夢遶伊家古檜間
二老舊遊唯我在後生誰復識蒼顏

適聖師仲二老雖鄉人今无識之者矣

類編增廣類瀆先生文集大全卷第三十九

勤改以督役升

次韻孔武仲到官後見寄

舉楫同千里繫舟時一言共嗟蓬作屋願就席為門行役身先困征商慙
益昏僅同登龍斷何止服車轄

次韻馮弋同年

細雨濛濛江霧昏坐曹聊且免泥奔賣鹽酷酒知同病一笑何勞賦北門
雨中宿酒務

微官終日守糟缸風雨淒淒夜渡江早歲謬知儒術甚安眠近喜壯心降
夜深唧唧酷鳴瓦睡起蕭蕭葉打窗阮籍作官都為酒不須分別恨南邦
次韻李撫辰屯田修州門

六月江濤壁壘頽蒼岷翠壁就新臺吐嗟雙闕還依舊咫尺群山信有材
畫戟風生兩衙退飛橋日出万人來不因毀圮催興築誰見雍容治劇才

次韻子瞻雨中督役夜宿水陸寺二首

雲氣連山雨瀉盆莫投僧舍欲閉門暫時洒掃寬行役終夕崎嶇入夢寬

煩熱暗消秋簾令蒸滯未解夜灯昏二年遊宦多勞苦何日從君得細論
野寺蕭條厭客喧雨披梢竹亂紛然已凶无食聊從仕深悟勞生不問禪
未至莫憂明日事偷閑且就此宵眠天明歸去芒鞋滑雖有藤輿懶上肩

次韻筠守毛維瞻司封觀修城三首

北垣荆棘舊成堆留待公來次第開車馬已通城下路榛蕪付冶家灰
異時碧瓦千門合應記紅旌百度來自笑評謀使曠野肩輿飛蓋許遣陪
撥弄校頭文字堆曉晴山色四門開究懷民事老雖壯倦首山城心已灰
荆棘燒殘桑柘出狐狸去尽犬雞來規模先遣通蹊徑後乘應容衆客陪
山脚侵城起阜堆遶城徽道斬新開闢半壞驚潮信埋壑初深見劫灰
蟻及半夫曾幾日鱗差万瓦看將來使君才力輕山郡朝論行聞急召陪
致仕

贈致仕王景純寺丞

蕭山隱君七十四紺瞳綠髮初謝事腹中靈液变丹砂江上幽居連福地
彭城為我住三日明月滿船同一醉丹書細字口傳訣願我沉迷真弃耳
年来四十髮蒼蒼始欲求方救憔悴它年若訪蕭山居慎勿逃人改名字

送韓康公歸許州

功成不願居身退有餘勇心安里閭適望益縉紳重朝為北闕辭暮犯南
河凍人知疎公達王命顯父送百壺山泉溢千兩春雷動旋聞二季賢繼
以一章控詔書未云可廷論已爭竦茲行迫寒食婦及婦先龍去人擁道
看一子腰金從尔曹勿驚嗟今德勸勤種

張公生日

是歲已未
公初致仕

少年談王霸英氣干斗牛中年事軒冕徇世仍多憂晚歲探至道眷懷
林立今年乞身歸始与夙昔酬高秋遇生日直氣茲一周觀心比孤月視
世皆浮漚表裏一融明万物不能留頽謂懂人斯樂顏曾不嗟我本俗
士從公十年遊謬聞出世語倦作籠中囚俯仰追憂患欲去安自由問公
昔年樂孰与今日優山中許道士非復長史儔腹中生黎粟結實從今秋

送毛君致仕還鄉

古人避世事豈問家有无但言鴻鵠性不受樊籠拘公家昔盛時阡陌連
三衢倉廩濟寒餓婚嫁營羈孤千金赴高義脫手曾瀆吏晚為二千石得
不償所通撫掌不復言但以文字娛我恨見公遲舟一垂霜須高吟看落

筆劇欲驚倒盡負罪不自知道意志憂虞忽聞叩天閣言旋故山廬朋友
不及謀親戚亦驚呼人生各有意何暇問俗徒嗟我好竒郎嘆公真丈夫
天高片帆遠目斷清風祖惟應東宮保迎笑相携扶

書廬山劉顛宮苑屋壁三絕

山西舊將本書生歸老石閣未厭兵卧聞布水中宵起錯認邊風万馬声
雕弓挂壁耻言勳出入推漁便作群五馬親來看射虎不愁醉尉老將軍
肩輿已弃躡風騶舊物仍存楊柳枝一曲清歌近尤好五陵故態未全衰

次韻毛君上書求歸未報

白髮憂民帶城圍頻聞慷慨賦將歸近傳道士連三噫久悟禪門第一機
夜永庵中詩自得日高門外客來稀此心素定誰能勸祇有丁寧詔莫違

次韻毛君留別

問天乞得不此言身屈拍人間今幾人魚縱江潭直窟宅鶴飛松嶺倍精神
清風吹雨停歸騎舊圃留花送晚春自号白雲知有意便從丹竈拂埃塵

次韻知郡曾蕃大夫思歸

江城漂泊最多時邂逅誰令長者期得坎浮槎應有命投林驚鷓且安枝

何年笑語還留爨終日勤勞數問兒鈴閣清虛非此比秋風歸興恐非宜

次韻侯宣州利建招致江大夫

社瓮盡漿接四隣肩輿拄杖試紅塵慣眠林下三竿日來看城中方井春
世上升沉无限事樽前強健不貲身經過已足知公政長見車中有老人

送青州簽判俞退翁致仕還湖州

不作清時言事官海邦那復久盤桓早依蓮社塵緣少新就草堂歸計安
富貴暫時朝露過江山故國水精寒官遊從此知多事收取楞伽靜處看

孔君亮郎中新葺闕里西園弃官而歸

宦情牢落苦思歸君側無人留子思手種松筠瀆灌溉親修寢窟憶承祠
定應此去添桃李還使舊坐无棘茨它日東遊訪遺烈因公導我謁先師

次韻毛君將歸

踈傳思歸不待時孟軻出畫苦行違新詩尚許留章句故事誰從問典彝
金馬尚應甚避世石泉未信可忘飢不才似我真當去零落衡茅隔雍歧

得告家居次韻真父見寄

君恩賜告許歸來雨後中庭有綠苔起問日高三丈久卧聞車過九門開

泥封連日傳新語，脫知君有軼才。叶八二十二兩待得晴乾，追後棄未
應塵土熱如灰。

次韻門下呂相公同訪致政馮宣猷

懶從朝謁事驂駢，比去高眠罷倒衣。詔許啟門訪者舊天教築室俟來
歸右公熙載舊宅張氏頃加修宇有輿尚肯追春色，公秉春將往鼓缶何
妨傲夕暉。所至成家即安穩，武昌誰乞釣漁磯。

次韻劉貢父和韓康公憶其第持國二首

霜風瑟瑟卷梧蕉，燕颯超然夜寂寥。羽客信來丹鼎具，石梁夢斷水聲遙。
赤松作伴誰當見，黃鶴高飛未易招。劍履終身何足益，勤勞付與甬中蕭。
愛君憂世老弥深，特操要須得失臨。晚歲飛騰惟有德，故鄉安穩信无心。
小邦近似西山隱，元氣終當北斗斟。聖主方求三世舊，老臣何止一遺簪。

送文太師致仕還洛三首

國老无心豈為身，五年朝謁慰錢紳。元臣事業通三世，舊將威名服四鄰。
遍閱後生真有道，欲談前事恐无人。比公惟有凌雲檜，何妨雨露新。
齊魯元勳古太師，寂寥千載恐无之。昔歸斲縮經邦手，復起還當間道時。

入謁何曾須掖侍，到家依舊擁旄麾。孔公靈壽園，應在秋晚香山訪佛祠。
西都風物漢唐餘，天作溪山養退居。盈尺好花扶几杖，拂天脩竹倚庭除。
白頭伴侶誰猶健，率意盡殮久已疎。公昔與司馬公同居洛下常與諸老
為真率之會酒肴菓蔬隨有而具
我欲試求三畝宅，從公它日賦歸欤。先人昔游洛中有卜築之意不
肖常欲成就先志願未暇耳

遷謫

罷提舉太平宮還居頴川

避世山林中，衣草食芋栗。奈何處朝市，日耗太倉積。中心久自笑，公議肯
相釋。終然幸寬政，尚許存寄秩。經年汝南居，久與茅茨隔。詞官一掃空，避
就兩皆失。父子相携扶，里巷行可即。屋弊且汗墻，蝗餘尚遺粒。交遊忌點
染，還往但親戚。閉門便衰病，杜口謝彈詰。餘年迫縣車，奏草屢濡筆。籍中
願未敢，尔後儻容乞。幽居足暇豫，肉食多憂慄。永懷城東老，未及長年術。

次韻子瞻過海

我遷海康郡，猶在寰海中。送君渡海南，風帆若張弓。笑揖彼岸人，回首平
生空。平生定何有，此去未可窮。惜无好勇夫，從此乘桴翁。幽子疑龍鰕，牙
頰意誰雄。閉門亦勿見，一鷁同香風。晨朝飽粥飯，洗鉢隨僧鍾。有問何時

歸茲焉若將終居家山山豈復懷兒童老時真吾師出入初猶龍籬樊
顧其密悅首姑尔容衆人指我笑轡鎖无此二一瞬千佛土相期兜率宮

同子瞻次過遠重字韻

孟子自誇心不動未試永嘉鐵輪重弟兄六十老病餘万里同遭海隅送
長披羊裘類嚴子罷食猪肝同閔仲大男留處事田畝幼子隨行躬釜鑿
低眉語笑接隣父彈指吁嗟到亦洞茅茨一日敢忘葺桑柘十年須勉種
來時邂逅得相隨歸去逡巡應復從莫驚憂患尔來同久知出處平生共
雖令子孫治家學休炫文章共世用賴川築室久未成夜來忽作西湖夢

喜王鞏承事北歸

同是南遷鷲最遠乘流北下喜先歸謂言笑秋風後却顧千山驛路非
嶺外雲煙隨夢遠江邊魚蟹為人肥還家嫁女都無事卧讀詩書晝掩扉

和子瞻過嶺

山林瘴霧老難堪歸去中原茶亦甘有命誰令終返北无心自笑欲巢南
蠻音慣習疑僮語腴病縈纏帶嶺風手挹祖師清淨水不嫌白髮照氈氍
次韻柳子玉謫官壽春舟過死丘見寄二首

局以自非簿領迷幽居渾似未官時忽聞客至驚還喜出見泥深笑不知
謀拙未能憂歲計身閑聊可飽晨炊行舟昔問何忽草淮口无潮月正虧
餽酬不用碎升斗曲直何勞問尺尋要路風波无限惡謫居情味最能深
交從錦水初无閒隣卜共山已有心草聖詩豪並神速數因南鴈惠佳音
留滯高安四年有餘忽得信聞甯除官具揚間偶成小詩書

于屋壁

數間茅屋久蹉跎四見秋風入薜蘿北棹偶然追鴈羽南公誰復伴漁蓑
三年賈傅驚馬五老九歲留郎愧尔多此去仍家江海上不妨一葉弄清波

類編類續先生文集大全卷第四十

釋氏

示資福諭老

予讀楞嚴至塵既不緣根无所偶反流全一六用不行釋然而笑曰
吾得入涅槃路矣然孤坐終日猶苦念不能寂復取楞嚴讀之至其
論意根曰見聞逆流流不及地名覺知性乃歎曰雖知返流未及如
來法海而為意所留隨識分別不得名无知覺明豈所謂返流全一
也哉乃作頌以示諭老

幽居百无營孤坐若假寐根塵兩相接逆順就一意意念紛无端中止不
及地寂然了无覓乃造真實際百川入滄溟衆水皆一味止為潭淵深動
作濤瀾起動止初何心乃遇適然耳吾心未嘗勞万物將自理

廣福僧智昕西歸

先人寄東巖蕭然四无隣八尺清冷泉中有白髮人婆娑弄明月松間夜
相宿平生指庚壬終老投此身築室潁川市西望長悲辛故山比丘僧爾
足超峨岷歸塗三千旦水風入衣巾北菴百步外我夢一室新東營三間

豈冰奉兩足尊我歸使時久遠與子親悟老非凡僧瓦鑠化金銀歸去
味玄言見日當自陳

贈杭僧道潛

月中依松鶴露下抱葉蟬賦形已孤繫發響易清圓潛師本江海浪迹遊
市廛彭彭長不能剪納壞聊復穿瘦骨見圖畫禪心離攀緣出言可人意一
皆自然問師藏何深不與世俗傳舊識髯學士復從璉若年塵埃既脫
落文彩自精鮮落落社中人如我亦有旃柰何一相見撫卷坐長歎歸去
勿復言山林信多賢

悟老住慧林

能公住嶺南正觀呼不起忠公客中禁朝恩不為累道人无淨穢所遇志
嗔喜悟公清淨人心厭紛華地慧林虛法席去有滯滯意投身淤泥中佛
法何處是引身出林間過患差无幾力小難自欺心安似无愧悟世常失
人違心輒喪已徐行勿與較乘流得坎止君看淨因指志以直自遂殺身
竟何益犯難豈為智去住本由天毋求亦无避相期明且哲大雅亦如此
送琳長老還大明山

身老与世疎但有世外緣五年客江西掃軌謝往還依依二三老示我馬
祖禪身心忽明曠不受垢汚纏偶成江東游欲別空悽然緣散衆亦去飄
若風中煙高安三長老与之甚熟別後文老去華陽本荒邑緇素明星懸偶
然得老尉舊依育王山璉公善知識不見十九年我昔未聞道問以所入
月告我從信入授我普眼篇冉冉百尺松起自一寸根南歸髮及白尺書
今始傳不知隣邑中乃有門人賢百里走相訪觸熱汗雨飜懷中出詩卷
清絕如斷蟬我適病寒熱氣力才餘縣空齋默相向欲語不能宣未暇答
佳意歸錫鏘金環空有維摩病愧先維摩言

次韻子瞻送楊傑主客奉詔同高麗僧遊錢塘

人言長安遠如日三韓住剋朝日赤飛帆走馬入齊梁却渡吳江食吳橘
玉門万里惟言九行人淚隨蕩關酒佛法西來到此間遍滿曾如屈伸手
出家王子身心虛飄然渡海如過渠遠來欲見傾盆雨屬國真逢載角魚
至人无心亦无法一物不見誰為敵東海東邊定有无拍手笑作中朝客

贈淨因臻長老

十方老僧十年舊歲三遍来看奔走遠遊新自齊南來滿身自多塵垢

煖湯百斛勸我浴驪山。衣泉傾甕明窓困卧百緣絕此身。坐淨初何有
清泉自清身自潔塵垢无生亦无滅振衣却起就華堂老僧相對无言說
南山采菌軟未乾西園摘菜寒方茁与君飽食更何求一杯茗粥候鉅栗

次韻洞山克文長老

无地容錐卓午來轉覺貧偶知珠在手一任甌生塵竄逐非關性顛狂
却甚真此心誰復識試問洞山人

贈景福順長老

轍幼侍先君間嘗遊廬山過圓通見訥禪師留連久之元豐五年
以譴居高安景福順公不遠百里惠然來訪自言昔從訥於圓通逮
與先君遊歲月遷謝今三十六年矣二公皆吾里人訥之化去已十
一年而順公年七十四神完氣定聰明了達對之悵然懷想疇昔
屈指江西老多言劍外入身心已无着鄉黨謾相親竄逐知何取周旋意
甚真仍將大雷雨一洗百生塵

又

念昔先君子南遊四十年相看順老在想見訥師賢歲歷風輪轉禪心

海月圓常情計延促无語對潛然

將遊金山寄元長老

龕砂施佛欣受怪石供僧僧不嫌空手遠來還要不更无一物可增添
洪休上人少年讀書以多病出家居泐潭為馬祖修塔以三絕

句來謁荅一首

早除郎將少年狂祖塔結緣歸故鄉習氣未消餘業在逢人依舊琢新章
張揚山人即昔所謂惠惠師也余舊識之京師忽來相訪茫然
不復省徐自言其故戲作二小詩贈之

昔日高僧今白衣人生變化定難知故人相見不相識空怪解吟无本詩
聽誦長江近章句喜逢澄觀已冠巾醉吟揮弄清湖水誰信從前戒律人

贈石臺問長老二絕

石臺長老問公本成都吳氏子弃俗出家手書法華經字細如黑蟻
前後若一將誦之万遍雖老而精進不倦脅不至席者二十有三
余來高安以鄉人相好蓋余懶而好睡見之惕然自警因贈之二小
詩云

法達曾經見老盧平生勤苦一朝虛心通口誦方无礙笑把吳鸞細字書

蜀中經藏社有古仙人吳鸞細字經卷精妙可愛

蒲團布衲一繩床心地虛明睡自亡長伴空中月天子東方行道到西方

寄龍井辨才法師三絕

轍自績溪蒙恩召還將自宣城公大江以歸家兄子瞻以書告曰不如道歛溪過錢唐一觀老兄遺迹轍用其言既至吳中迫於水涸不能久留十月八日遊上天竺子瞻昔与辨才師相好今隔南山不得見乃作三小詩以寄之

我兄教我過東吳遺墨山間无處无忽報冬潮催出堰俗緣深重道心麤
山色青宜葉未紅湖光疑碧曉无風行窮上下两天竺望斷南山龍井龍
井水中藏東海魚側盆翻雨洗凡夫隔山欲共公相見莫道從來一滴无

約洞山文老夜話

山中十月定多寒繞過開炉便出山堂衆久參緣自熟郡人迎請怪忙還
問公勝法須時見要我清談有夜閑今夕客房應不睡欲隨明月到林間
謝洞山石堊遠來訪別

竄迹深山无友朋往還但有兩三僧共遊渤澥无边歎扶出須弥最上層
未及俗緣終引去稍讀直際自虛澄坐令顛老時奔走竊比韓公愧未能

成都僧法舟為其祖師寶月求塔銘於惠州還過高安送歸

少年能講大乘經法施堂中不出局為許先師傳後世徑從西海集南溟
忘身直犯黃茅瘴滿意初成白塔銘寄我淚痕歸万里遙知露滴澗松青

回寄聖壽寺總老

五年依止白蓮社百度追尋丈室遊睡待磨茶長展轉病蒙煎藥久遲留
替公夜宿詩仍作巽老堂成記許求回首万緣俱一夢故應此物未沉浮
遊淨因院寄璋禪師

歲月替消日裏冰依然來見佛堂灯此身已自非前我問法何妨似舊僧
灑面飛泉時點點壓池蒼石尚層層遙知近愛金山好江水煎茶日幾升

仙道

張嘉祐

道人何為者陽狂時放言寶塔昔所構鐵券今尚存此張所言其漫浪難
餘都不可曉究悉孰知彼根源草庵劣容膝俯仰拳肩跟无食輒行乞一飽常閉門尔

來二十年未嘗變寒得嗟哉豈徒然此意未易言偶來一笑喜但恐笑我昏

次韻姚道人

西山學採薇東坡學煮羹昔在建城市豈復衣冠情朋友日已疎止接音趙生番智徇所安元氣賴以存時於星寂中稍護亂与昏河流發九地欲挽升天門枉用十年力僅餘一灯温老病竟未除驚呼欲狂奔何日新雨餘得就季主論

高人隱陋巷至藥初无方心知无生妙運轉開陰陽才如凌雲松豈受尺寸量氣如幽谷蘭時送清風香自嗟我本病肺寒暑隨翕張丹砂苦落落青春去堂堂清詩隨雲霧至音叩琳琅山海信多士世俗非所望遠遊居臨安間出從諸王他年解冠佩共遊无邊疆儀麟既委照永謝過隙光

贈吳子野道人

食无酒肉腹亦飽室无妻妾身自好世間深重未肯回達士清虛輒先了眼看鴻鵠薄雲漢長笑駑駘安穩卓腹中夜氣何郁郁海底朝陽常杲杲一墨不顧舊山深方里采春故老空車獨載玉陽棗遠遊屢食安期棗

東州相逢真邂逅南國思歸又襜褕道成若見王方平背癢莫念麻姑爪

送楊騰山人

曾中万卷書不如一囊錢不見楊夫子歲晚走道邊夜歸空床卧兩手摩涌泉窈前雪花落真火中自然渙然發微潤飛上崑崙顛霏霏雨甘露稍稍流丹田閉目内自視色如黄金妍至陽不獨疑當与純陰堅一窮百不遂此事終无緣君看抱朴子共推古神仙无錢買舟砂遺恨盈塵編歸去守茅屋道成要有年

寄梅仙觀楊智遠道士

道師近在真人峰欲往見之路无從去年許我入城市塵埃暗天待不至莫往莫來勞我心道書寄我千黄金爾裏肉食思慮短文字滿前看不見口傳指授要有時脫去羅網當見之梅翁漢朝南昌尉手摩龍鱗言世事一朝拂衣去不還身騎白驎騎紅鸞鳥我今雖復墮塵土道師何不与我語他年策足投名山相逢拍手一破顏

龍川道士庾有象

昔我遷龍川不見平生人頃囊買破屋風雨庇病身頽然一道士野鶴墮

雞群飛鳴閭巷中稍與季子親刺口階生事褰裳觀運斤俛仰忽三年愈
久意愈直送我出重嶺長揖清江濱方營玉皇宮棟宇期一新成功十年
後脫身走中原見公心自足徒步非我勤我歸客箕穎晝日長掩關僕夫
忽告我門有万里賓問其所從來笑指南天雲心知故人到驚喜不食言
我老益不堪唯有二頃田年年種麥禾僅能免飢寒君來亦何為助我耕
且耘嗟古或有是今世非所聞

重贈

出家无復家視身等雲浮東西隨風行忽然瀟九州君居龍川城築室星
一周屋瓦如翬飛象設具免旒弟子五六人門徒散林立本為百年計自
可一世留胡為不復願脫去如敝裘万里一藤杖來從故人游故人病老
翁輕重恐未酬疑君了心法万物皆浮漚去彼非有嫌來此亦无求是心
摩尼珠不受篋筭收故人感君意一言還信不遠來不為此浪走非良謀

贈方子明道人

水銀成銀利十倍丹砂為金世无對此人蘄術不肯傳闔戶泥墻畏天戒
今子何為與我言人生貧富乎天鉗錘囊箠枉心力齋茹布褐隨因緣

我來江西晚聞道一言契我心所好廓然正若大虚空平生伎倆都除掃
子言舊事淨慈師未斷有為非淨慈此術要將救飢耳人人有命何憂飢

送葆光蹇師遊廬山

建成市中有狂人縱酒罵市无與親敲門訪我何處巡頭蓬面垢氣甚真
截河引水登崑崙下洗尺宅骨髓勻告我入室要自門仙翁道師豈遺君
歸來插足九陌塵獨遊疑祥芳草春蕭然孤鶴鳴雞群子欲不死存谷神
海山微明朝日暎丹成寄子勿妄云出入无朕窮无垠相思一笑君乃信

題方子明道人東窻

紙窻雲葉淨未蒙細烟青客到催茶磨泉声響石餅禪關敲每應丹訣
問无經贈我刀圭藥年來髮變星

次前韻

閉門何所事毛髮自青青齒折登山屐塵生貫酒餅調心開貝葉救病
讀難經定起无人見寒灯一點星

孫賓叟道人

万里飄然不擊舟酒壚一笑便相投千金不換金丹訣何事惟須一布裘

送吳思道道人歸吳興二絕

一去吳興十五年東歸父老幾人存
惠山准有錢夫子一寸間田曉日曛
傲遊海上與逢人宴坐山中長閉門
去住只今誰定是相逢一笑各无言

送道士楊見素

黃河春漲入隋溝
往意隨波日夜流
万里尋山如野鶴
一身浮水似輕鷗
湖風送客那論驛
嶽寺留人暗度秋
渾子北歸來見我
携琴委曲記深幽

次韻姚道人

道人偶許俗人知
法喜非妻解養兒
夜久金莖添沉澹
室虛室月映琉璃
遠來醉俠忽忽返
近出詩仙句句奇
獨怪區區踐繩墨
相逢未省角巾欹

蔡州壺公觀劉道士

元祐八年七月彭城曹煥子文至自安陸為予言過淮西入壺公觀
觀懸壺之木木老死久矣環生孫孽充數有老道士劉道淵年八十
七非凡人也謁之神氣甚清能言語服細布單衣縫補殆遍壁間題
者多以不易衣為美煥問其意道淵悵然曰此故淮西守歐陽永叔
所贈也世入稱永叔工文詞善辨論忠信篤孝而已君知是人竟

何從來耶公與我有夙契且齊年也昔將去吾州留此以別吾報之
三十年穿破而補矣未嘗垢而澣也此嘗得其訊吾亦去此不久矣
煥聞之愕然莫測徐問其故皆不答予少與兄子瞻皆從公遊究觀
平生固嘗疑公神仙天人非世俗之士也公亦嘗自言昔與謝希深
尹師魯梅聖俞數人同遊嵩高見薛書曰大字於蒼崖絕澗之上曰
神清之洞同遊者惟師魯見之以此亦頗自疑本世外人今聞道淵
言與曩意合因作詩以示公子棐叔弼

次韻子瞻贈張憨子

得罪南來一坐言道人閉口意深全
天遊本自有真樂弄鼓誰知定不賢
精火嗽初吐日飛流袞袞旋成川
此心此去如友冷肯更逢人問復然

陪毛君遊黃山觀

李叟仙居仍近市黃公道院亦依城
定應昔日山林地未有今時雞犬聲
白鶴翻飛終不返黃冠憔悴只躬耕
試從車騎尋遺迹恐有居人解養生

聞京東有道人号賀郎中者唐人也其徒有識之者作詩寄之
賀老愁日山去不還鏡湖獨掉釣魚船南來太白尋无處却作郎官又幾年
岱山下迎鸞驚典謁蒙山施藥改耕田試窮脚力追行迹亦使今生識地仙

類編頽濱先生大全卷第四十

類編頽濱先生大全卷第四十一

農桑

蠶麥四首

春寒風雨淫蚕麥止半熟耕桑未嘗親有獲敢求足鄰田老翁媪囊空庾
無粟機張久之緯食晏唯薄粥孰耕種未下屢禱雲不族私髮止寒餓王
事念鞭扑為農良未易為吏畏簡牘開明差似可忍飢有餘福

疎慵自分人嫌我貧病可憐天養人蚕眠已報冬裘且麥孰旋供湯餅新
擷桑曉出露濡足拾穗暮歸鹿滿身家家辛苦大作社典我千錢追四鄰
三界人家多鮮福一時蚕麥得難兼鋤耰已愧非吾另湯火尤譎取不廉
貴客爭誇八浣布貧家粗有水精塩薄衫冷麪消長夏捫腹當知百不堪
春旱麥半熟蚕收僅十分不憂无餅餌已幸有襦裙造化真冷汝耕桑不
漫動經過話關陝貧病不堪聞

遲往泉店殺麥

罷民不耕獲豈利有收往古人為我言許此亦无妄一冬免鋤犁二麥盈
甕益益火老金尚伏雨過築場壤隣家功伯亞蒼耳割棒莽并朝賜得終日經

歲可无恙老夫終病懽長子幸可仗每勞慎勿厭餅餌家共享秋田雨初足已作豐熟想歸來報好音相對開腸釀

和遲田舍雜詩九首

吾家本眉山田廬之多寡與楊子雲等仕官流落不復能歸中窳猶南諸子不能及從留之穎川買田築室賒飢寒之患既蒙 恩北還因而位焉然拙於生理有无之計一付諸子夏五月麥方登場遲往從諸農夫簞瓢銜艾知以為樂作詩九章澹然有詩人之思歸而出之為和之云

麥生置不視麥熟為一來我懶客亦墮田荒誰使開動事知有獲直駕獨未回交遊悉吾病門巷多蒼苔

我生无定居投老旋求宅未暇揀牢金先問松筠碧床說日益銷車轉轉生澁東家雖告貧蠶園不猶未必

偶自十年閑非繼七人作千歲漫云云志大終落落齒髮已半空頭顱不難度顏魯本吾師終身美藜藿

至人竟安在陶鑄皆批糠土俗那得知楚楚事冠裳方醉狂正作吾語未

吾兒生來讀書更不憤田明爭斗斛今年久旱麥粒細及半罷休饒老宿歸來爛熳致蒼耳來歲未知還尔熟首口且留終歲儲貧交強半倉无穀

外孫文九伏中入村晚麥

春田不雨憂无麥入困得半猶足食伏中一暇不可緩旱田蒼耳猶難得人言春旱夏當潦入伏未保天日好老農經事言不虛防風防雨如防盜外孫讀書舊有功五言七字傳祖風旋投詩筆到田舍知我老來饒且慵秋田正急車難起汗滴肩頰愧鄰里磨声細轉雪花飛李家百口磨牙齒食前方丈我所无蒸餅十字或有諸孫歸何用慰勤苦身雞亦有蒸胡盧

唐杜虛懷慎既老家居諸公嘗封往問疾公設食待客勅苞天淨去毛勿撈折其頂客喜謂當食蒸鷄鴨也食至乃承胡盧尔

西成

野老端相廬之西成僅十分寒來多釀酒客過預留饋近事姑求飽遠憂要浪聞一壺真有理終日得醺

報交二首

麥幸上分熟雨過三日霽初晴尚未伏夜半卷重陰細築場无隙輕推磨有音驚聞諸縣水一撥直千金

雨後麥多病，屢中蛾欲飛。不辭終日暑，幸脫半年飢。潦水來何暴，秋田望已微。農夫愚可念，此報定誰非。

文氏外村收麥

欲收新麥繼陳穀，賴有諸孫替老人。三夜陰靈敗場圃，一竿晴日舞比鄰。急炊大餅嘗飢之，多博村醪勞苦辛。閉廩歸來真了事，賦詩憐汝足精神。

次韻和人豐歲

風雨迎寒欲勞農，今年真不負元豐。善藏共何官，无擾眠食安。知帝有功，草苴黃冠將蜡祀，羔羊朋酒亦幽風。請君早具躋堂飲，退食委蛇正自公。

泉城田告

泉城欲治麥禾困，五畝鄰家肯見分。莫問三吳朱處士，似勝吾鄉楊子雲。陰晴卒歲閑憂喜，曲盡終身看逸勤。家世本來耕且養，諸孫不用取鉏耘。

春日耕者

陽氣先從土脉知，老農夜起餉牛飢。雨深一尺春耕利，日出三竿曉餉遲。婦子同來相玩，婦子同來相玩。婦子同來相玩，婦子同來相玩。巧追隨，紛紜政令曾何補，要取終年風雨時。

漁獵射附

可莊天定能勝人，更看孰黃梁。

平湖近西垣，松發可以遊。偶從大穴後，不往三經秋。益中插蒲蓮，菱芡亦

易求。閉門具樽俎，父子相獻酬。

試問西寺僧，云何古佛意。别无安心法，但復餅師餽。外物來无從，往亦无所至。佛法見在，則我亦從此逝。

老佛同一源，出山便異流。少小本好道，意在三神洲。子房見黃石，願封小國留。終老預人事，斷穀為呂憂。

蒼然澗下松，不願世雕刻。斧斤百夫手，牽挽千牛力。斲成華屋柱，加以綴衣飾。人心喜相賀，松心終自惜。

汲汲陷有，約昏昏隨。无記湛然古井水，心在獨无意。讀書非求解，食粟姑自適。去有二男子，力田奉租稅。

次韻子瞻吳中田婦歎

久雨得晴唯恐遲，既晴求雨來何時。今年舟楫委平地，去年蓑笠為裳衣。不知天公誰怨怒，弃置下土塵与泥。丈夫強健四方走，婦女齷齪將安歸。塌然四壁倚機杼，收拾遺粒吹糠粃。東鄰十日營一炊，西鄰誰使救汝飢。

海邊惟有鹽不旱賣珍選坐收嬰兒傳聞四方同此苦不聞東海誅孝婦

蠶市

枯桑舒牙葉漸青新蚕可浴日晴明前年器用隨手敗今冬衣着及春營
傾函計口賣餘粟買箔還家待種生不唯箱篚供婦女亦有鋸鑄資男耕
空巷無人問容冶六親相見爭邀迎酒肴勸屬坊市滿鼓笛繁亂倡優獍
蚕叢在時如此古人雖沒誰敢耕異方不見古風俗但向陌上聞吹笙

秋稼

雨晴秋稼如雲屯且沒雞兔未没人老農歡笑語行路十年儉薄无今晨
无風无雨更一月藜藿黍飯供四鄰天公似許百姓足人事未可一二論
窮邊逃卒到處滿燒場入室才遂巡縣符星火雜鞭笞解衣乞与猶怒嗔
我願人心似天意愛惜老弱憐孤貧古來堯舜知有否詩書到此皆空文

遜往泉城獲麥

少年食稻不食粟老居潁川稻不足人言小麥勝西川雪花落磨煮成玉
冷淘槐葉冰上鬪湯餅羊羹火入腹五年隨俗粗得飽晨朝稻米纔供粥
兒曹知我老且饑觸熱泉城正三伏田家有信呼即來亭午驅牛汗如浴

和子瞻畫魚歌

吳人以長釘作杖頭以畫魚取魚謂之畫魚

潛魚在淵安可及垂餌投竿易如拾插江設網雖不仁一瞬未移收百十
畫魚何者漫區區終日辛勤手拮据已曠長網不能遍肯信一竿良有餘
鯤鯢駭散蛟龍以獲少驚多亦何益願從網罟登君庖碎首屠鱗非所惜

觀捕魚

西湖不放長竿入群魚空作淘河食魚人攘臂下前汀蕩漾清波浮兩腋
藕梢菱蔓不容網箔作長圍徒手得遂巡小舟十斛重踊躍長魚一夫力
物條穿頰洗黃金鱸縷堆盤雪花積燒薤香橙巧相與白飯青蔬甘莫逆
食罷相携堤上步將散重前葉家白人生此事最便身金印垂腰定何益

車浮

結木為巢承之以簣沉之水中以浮識其處方舟載兩輪挽而出之
漁人謂之車浮此詩所謂汕也與滄适同作車浮詩
寒魚得汕便為家兩三方舟載小車謀食旋遭芻餌誤求安仍值積薪避
情存未免人先得欲尽要令物莫加身似虛舟任千里世間何處有學曾

次韻子瞻人日獵城西

將賢士氣振令肅軍聲悄晨登戲馬臺一試胡騶裏城空巷無人里社轉
相曉吾公庶无疾但恐園囿小荆榛一焚蕩雉兔皆驚矯翩翩白馬將手
把青絲挑少小事邊徼斬刈輕荼蓼殿前賜鞍勒珂月明皎自言得所
事強暴无不了商筭本詩書下策禁焚燎當令百鍊剛甘就一指遶低回
未嘗試坐被世人少秋霜一朝下凌厲見擊鳥為君整驕隨重立穰首表
和子瞻司竹監虜葦園因獵園下

駿馬七尺行馮馮曉出射獸霜為冰荻園斫尽有枯楸束茅吹火初如灯
乍分乍合勢開展蒼煙被野風騰々黃狐驚顧嘯儔侶飛鳥先起如蒼蠅
須臾立布布行伍有似脩蟒橫岡陵蒼鷹猛犬出前後缺處已掛黃麻罾
迴風忽作火力怒平地一卷无疆陸商辛不出抱寶死曹瞞逸去焦其肱
殺身誤喜脫灰燼聞首族已遭侵凌何人上馬氣吞虎狐帽壓耳皮蒙膺
開弓徐射疊離彘擁馬騶叫鷓未曾舉鞭一麾百夫進擊鼓再發箭前破柳
去如飛壘中如雷獲若兩獸膏流瀟肉分麾下飽壯士皮與公子留練緇
縱橫分裂惠村塢尚有磊落載後乘吾兄善射久无敵是日斂手稱不能
獲鞍縱馬聊自適酒後醉語誰能傳兒擊搏信可樂士將雄滿今誰勝

曾中森列万貔虎嗟世但以文儒稱安得強弓傳長箭使射蔽日垂天鵬

聞三瞻習射

舊詩丘書氣已振近傳能射喜征鼓手隨樂節論中箭作鳴声不害文
力薄僅能勝五斗才高應自敵二軍良家六郡傳真法馬上今誰最出群

技術

贈寫真李道士

君不見景靈六殿圖功臣進賢大羽東西陳能令將相長在世自古獨有
曹將軍嵩高李師掉頭笑自言弄筆通前身百年遺像誰復識滿朝冠劍
多偉人據鞍一見心有得臨窻相對疑通神十年江海鬚半脫歸來俛仰
軒簪紳一揮七尺倚墻立客來顧我誠似君金章紫綬本非有綠蓑黃弱
甘長貧何如畫作白衣老置之茅屋全吾真

贈二蜀能師一絕

得失從來似偶然因師聊復問行年此生竟墮陰陽數方信修行力未全
旅食江干秋復春歸耕未遂不勝貧憑師細考何年月可買山田養病身

贈醫僧鑒清一絕

肘後醫方老更精須眉白及氣弥清只應救病能无病豈是平生李養生
門人又作開堂老庭檜看成合抱圍它日浴堂歸洗背回頭還解放光輝
贈醫僧善正

老法江邊瘴癘鄉城東時喜到公房歷言五藏如經眼欲去三彭自有方
身厭遠游安靜默術因多病更深長時為我談尊宿曾入南公古道場
戎祀

觀大閱

承平郡國戡兵屯唯留都一万人票姚將軍思出塞從橫幕府諱和親
旌旗不動風將轉部曲无馬亦馴八陣且留遺法在未須親試革車塵

郊祀慶成

盛礼弥三祀初元正七年祭兼天地報儀自祖宗傳講義垂華久近有
讀官訓釋 祖宗齋祠齋心玉食鮮秋成通四海廣實到窮邊 今秋諸
致爭十五條自陳於前 豐稔而陝西何 東歸還尤甚 塵卷跳疆寇 西卷入 環州 琛來渡海船 高麗使前十日 到關預觀大禮
人和神亦答物備礼誠全厠室開深觀郊立對廣園翠惟新秘殿宝仗益
通靈周冕裘緇儉周礼大裘而冕以祀天有司欲為羔裘以其害物以里緒代之唐車保介便

玉輅有正觀款志進 退安重奕此所寶道前多舊履迎拜感華頌薦縈求陰燧馳必寄燎煙

垂精粲星斗望秩遍山川降輅追前躅回班戒弗虔徹網深屈躄屏蓋切

承天上至太極門降輅步入齋殿至郊壇止百官回班仍解扶桑日欲躔旌旗逐風轉歌舞送天旋簾起瞻辰

吹灰夕祭不講近太史 考求遺書復修其法極雞號識漏泉矜愚開罪罟釋久淨民編樂作波翻海書行箭脫弦東朝

婦福脉南極本高仙有道知難犯无私每得賢劬勞就聖德謙畏絕私權

治道初无象神功竟莫宣下臣叨進玉隨見頌誠然日於郊立 實進玉帛

秋祠高謀一絕

蕩蕩魏魏堯舜前一丘惟見栢森然後來秦漢何堪數跋扈飛揚得幾年

乾德年中初一新頽垣破瓦委荆榛興亡舉降干戈際間暇方知國有人
讀書 讀史附

讀書

習氣不易除書魔閑即至圖史紛滿前展卷輒忘睡古今浩无垠得失
同一軌前人已不悟今人復如此悠然發歸憂嗟哉肉食鄙捲卷勿重陳
慟哭傷人氣

和王適之背讀書

少年讀書處寒夜冷无火老來百事慵交背但空坐眼昏愁細書把卷惟
恐卧寒衣補故褐家釀熟新糯微了窓影斜暖了雲陰過昏然偶成寐鼻
息已无柰兒童更笑呼書冊正削墮衰懶今自由不復問冬課

和子瞻讀道藏

道書世多有吾讀老与莊老莊已云多何況其駢旁所讀嗟其甚少所得
半已強有言至无言既得旋自忘譬如飲醇酒已醉安用漿昔者惠子死
莊子哭自傷微言不復知言之便誰聽哭已輒復笑不如斂此藏脂牛雜
肥耕耳孰有不嘗安得西飛鳴送弟以与兄

和王適寒夜讀書

久從市井役百事發不理感君讀書篇惜此寒夜暑勤附灯燭勉
就圖史逡巡揖虞夏汗漫馳劉李斯文家舊物早歲夙從事一從慕羶腥
中弃如弊筵今夕亦何夕忽如舊將至終篇再三歎推枕不成寐人生无
自年所欲知有幾懸知未必得奔走若趨市微言寄翰墨開卷入心耳
胡為弃不收所逐在難覿

聞子瞻將如終南太平宮谿堂讀書

為吏豈厭事厭事日墮媮者書雖不急實与百世謀問吏所事何過客及
擊之客實虛攬人囚有不自由辨之何益增不辨亦足憂嗟此誰不能脫
土使自以幽幽南山麓下有溪水流溪上亦有堂其水可濯漱終日不見
人惟有山鹿吻是時夏之初谿冷如孟秋山棋黃笠展林筍紫角抽朝取
筍為羹暮以椹為羹溪魚鯉与魴山鳥鶯与鳩食之飽且平偃仰自佚休
試探篋中書把卷揖前脩况如及故鄉親朋自相求尉如甕中糟又孰待
一筍為文若江河豈復有刻鏤尚何憶我為欲与我同遊我雖不能往寄
詩以解愁

東方書生行

東方書生多愚魯閉門誦書口生土窟中白首抱遺編自信此書傳父祖
辟雍新說從上公冊除僕射酬元功大常弟子不知數自夜吟諷如寒虫
四方窺覘不能得一卷百金猶復惜康成穎達弃塵灰老聃瞿曇更出入
舊書句句傳先師中途欲弃還自疑東鄰小兒識機會半年外舍无不知
乘輕策肥正年少齒疎唇腐直堪笑是非得失付亡年眼前且買先騰踴

讀史

留侯決成敗面折愧周昌垂老召商叟鷓鴣自高翔
諸呂更相王陳平氣何索千金壽絳侯劉宗知有託
賈生料吳楚竟斃大梁城一身不自保痛哭空傷生
相文服荆楚安取破國都孔明不料敵一世空馳驅
安石善談笑揮麈却符秦安起并吞意然殘吳越人
江河浪如屋要須滄海容可冷狄仁傑猶復負婁公

類編類編大全卷第四十一

類編增廣類編先生大全卷第四十二

讀集

還集附

次韻子瞻題張公詩卷後

世俗甘枉尺所願求直尋不知一律訛大樂无完音見利心自搖虛言妄
得深至人不妄言淡如朱絲琴悲傷感舊俗不類騷人淫又非避世羽閔
嘿濠陽瘖嚙晨雞鳴豈問晴与陰世人積寸木坐使高樓岑晚歲卧
草廬誰聽梁甫吟今年楚倚相儻能寄惜情

讀舊詩二首

老人詩思如枯泉輾轆不下甕盎乾舊時展卷驚三年粲然佳句疑昔賢
老來百事不如前藜羹稻飯嗟獨便飽食餘暇晷日眠安用琢句愁心肝
早歲吟哦已有詩年來七十未全衰閒編一笑恍如夢閉目徐思定是誰
敵手一时无復在賞音他日更難期老人不用多言話一點空明方法師

次韻子瞻道中見寄

凡詩有味劇雋永和者僅同如畫影短篇泉冽不容挹長韻風吹忽千頃
經年淮海定成集走書道路未遑請相思半夜發清唱醉墨平明照東省

詩到通南來應帶蜀區泉西信近得蒙山茗出外一飯歡有餘去歲比
在首中時初到穎

次韻文氏外孫驥以其祖父與可學士書卷還謝悰學士

西南自是賢後府衰老思歸謾留許春禾歷君麥非平生子孫便推我作古
賢哉與可詩中傑筆黑蘇功散繒楮南陽諸謝世有人此邦亦自非其土
一時與我俱作客白髮蒼顏愧非伍儒術真傳漢太翁風流未減晉諸度
兩家尚有往還帖舊集脫遺應可補明窓展卷清淚滴况然似與故人語
欲鎖空厨付長康况君譏我不與取

和張安道讀杜集用其韻

我公才不世晚歲道尤高與物都无着看書采菴勞微言精老易奇韻喜
莊騷杜叟詩篇在唐人氣力豪近时无沈宋前輩幾劉曹天驄精神穩層
臺結構牢龍騰非有迹鯨轉自生濤浩蕩來何極雍容去若遨壇高真命
將彘亂始知髦白也空无敵微之豈少褒論文開錦繡賦命委蓬蒿初試
中書日旋聞廊時逃妻孥隔豺虎閑輔暗旌旄入蜀營二徑浮江寄一艘
投人慙下舍愛酒類東臯漂泊終浮梗迂踈獨約整龜誤竟空自賦揜脛惜

无袍卷軸今何益零子昔未遭相如元並世惠子漫臨溪得失將誰究
公付濁醪

題韓駒秀才詩卷

唐朝文士例能詩李杜高深獨到希我讀君詩笑无語况然重見諸尤義

次韻毛君見督和詩

新詩落紙一城傳頌我踈蕪豈足編它日杜陵詩集裏韋昭略見兩三篇
讀樂天集戲作五絕

樂天夢得老相從洛下詩流得二雄自索居朋友絕偶然得句與誰同
樂天得法老疑師後院猶存楊柳枝春尽絮飛餘一念我今无累百无思
樂天投老刺杭蘇溪石胎禽載舳舻我昔不為二千石四方異物固應无
樂天引洛注池塘畫舫飛橋映綠楊溪水隔城來不得不策杖看湖光
樂天種竹自成園我亦墻陰數百竿不共伊家鬪多少也能不畏雪霜寒

次韻姚孝孫判官見還岐梁唱和詩集

伯氏文章豈敢知岐梁偶有往還詩自憐兄方能兼弟誰肯墳終不聽
西號春遊池百頃南溪秋入竹千枝恨君曾是關中吏屬和追陪失此時

字書

石蒼舒醉墨堂

石君得書法弄筆歲月久經營妙在心舒卷功隨手惟茲逸群氣扶駕須
斗酒作堂名醉墨揮灑動墻牖安得濁酒池淋漓看儒首但取繼張君
莫顧顏名醜

題東坡遺墨卷後

少年喜為文兄弟俱有名世人不要言知我不如兄篇章散人間墮地皆
瓊英凜然自一家豈與餘人爭多難晚流落歸來分死生晨光迫殘月回
顧失長庚展卷得遺草流涕濕冠纓斯文久衰弊涇流自為清科斗藏
壁中見者空嘆驚發與自有特詩書付西京

子瞻寄示岐陽十五碑

堂上岐陽碑吾兄所与我吾兄自善書所取无不可歐陽弱而立商隱瘦
且脩小篆妙詰曲波字美婀娜譚藩居顏前河類學顏頗魏華自磨石泮
峻秀不包裹九成刻賢後磊落雜之麻英公与褒鄂戈戟聞自何何年學
操筆終歲惟箭筈書成亦可愛藝業嗟獨夥余雖繆學文書字每慵墮

車前駕騏驎車後數羸跛逾年學舉足漸亦行駸駸古人有遺迹算短
不及鏤願從兄發之洗硯處兄左

次韻劉貢父題文潞公章書

鷹揚不減少年時黑作龍蛇帛上飛應笑學書心力及臨池寫遍未裁衣

碑文

咀楚文

咀楚楚如桀詛秦秦則紂桀罪使信然紂語安足受牲肥酒醪索夸誕鬼
不祐鬼非東諸侯豈信辨士口碑埋祈年下意繞章華走得楚不付孫但
為劉季取吾聞秦穆公與晉實甥舅明鄭絕晉歡結楚將自救相絕秦使
秦詛楚人晉亦議秦後諸侯迭相詛禍福果誰有世人不知道好古无可
否何當投涇流渾濁蓋鄙醜

灑灑堆或云上有古碑

江中石屏巖頰堆壘夏禹不能摧深根百丈无敢近落日紛紛鳥鴈來
何人磊落不畏死為我赤脚登崔嵬上有古碑刻其篆當使尽讀歷蒼苔
此碑若見必有怪恐至絕頂曹風雷

嚴顏碑亦在志州

古碑殘缺不可讀遠人愛惜未忍磨相傳昔者嚴太守刻石千歲字已訛
嚴顏平生吾不記獨憶城破節最高彼擒不辱古亦有吾愛善折張飛豪
草中生死何足怪棄勝使氣可若何斫頭徐死子無怒我豈畏死如兒曹
匹夫受戮或不避所重壯氣吞黃河臨危閑暇有如此攬碑慷慨思橫戈

石鼓

岐山之陽石如鼓叩之不鳴縣無虞以為有用百无直以為无用万物祖
置身无用有用間自託周宣誰敢侮宣王沒後墳龍平秦野蒼茫不知處
周人舊物惟存山文武遺民尽囚虜鼎鐘无在鑄文戟宮殿已倒生禾黍
厲宣子孫鼠四方昭穆錯乱不存譜時有過客悲先王綢繆牖戶徹桑土
思宣不見幸鼓存由故求宣近為愈彼皆有用世所好天地能生不能主
君看項藉猛如狼身死未冷割為脯馬童楊喜豈不仁待汝封侯非怨汝
何況物外固已輕毛禽翡翠尾執塵唯有蒼石於此時獨以无用不見數
形骸偃蹇任豈鮮文字皴剝困風雨遭乱既以无用全有用還為太平取
古人不見見遺物如見方召与申甫文非科斗可窮詰簡編不載元訓詁

字形漫汗隨石缺蒼虵生角龍折股亦如老人遭暴橫頤下髭禿口齒齟
形雖不具意可知有云楊柳貫魴魴魴魴居溪谷自投網罟入君俎
柳條柔弱長百尺挽之不断細如縷以柳貫魚魚不傷貫不傷魚魚樂死
登之廟中鬼神格錫女豐年多黍稌宣王用兵征四国北摧大戎南服楚
將帥用命士卒驩死生不顧闞虓虎問之何術能使然撫之如子敬如父
弱柳貫魚魚弗違仁人在上民不怒請看石鼓非徒然長笑太山刻篆語
佛像

楊惠之塑維摩像 在天柱寺

金粟如來瘦如腊坐上文殊秋月圓法門論極兩相可言語不復相通傳
至人養心遺四腴瘦不為病肥非妍誰人好道塑遺像船皮束骨筋扶困
兀然隱几心已滅形如病鶴竦兩肩骨節支離躄踈緩兩目視物猶惘然
長嗟靈運不知道強翦美須插兩額彼人視身若枯木割去右臂非所慮
何況塑畫已身外豈必奪尔庸自全真人遺意世莫識時有遊僧施鉢錢

滎陽唐高祖太宗石刻像

滎陽大海院高齋石像二高不數寸而姿製甚妙唐高祖為鄭州刺

史太宗方幼而病甚禱之即愈因各為一碑刻弥勒佛且記其事至
今皆在元祐二年九月祭告永裕陵過而觀焉作小詩以授院僧
誰言膚寸像勝力妙人天欲療衆生病陰扶濟世賢身微須覆護眼淨照
幾先豈為成功報猶應歷劫緣

吳道子畫四直君 在精思觀

浮埃古壁上蕭然四真人矯如塵中鶴猶若畏四隣坐令世俗士自慚汗
滿身勿謂今所无嵩少多隱倫

畫文殊普賢

誰人畫此二菩薩趺坐花心乘象後弟子先後執玉岳老僧槎牙森比肩
山林脩道幾世劫顏貌偉麗如開蓮重崖宛轉帶林樹野水荒蕩浮雲天
娥眉高處不可上下有絕澗鋼九泉朝陽未出白霧起有光升天如月圓
靈山居中粗可識有類白兔依清蹕遊人禮拜千方逆邈漸遠如飛煙
五臺不到想亦尔今之畫圖誰所傳吾兄子瞻苦好異敗繒破紙收明鮮
自從西行止得此試与記錄代一觀

問蔡肇求李公麟畫觀音德雲

好事相靈寶多才願長康何嘗為人畫但可設奇將父取與當散能分惡
所望清新二大士界我夜燒香

將出洛城過廣愛寺見三李演師引觀楊惠之塑寶山朱瑤

畫文殊普賢為賦三首

寺古依喬木僧閑正暮年為生何寂寞客尚留連虛牖羅脩竹空厨響
細泉坐聽談舊事遍識洛中賢

虛室无尋丈青山有百層回峯看不足危石恐將崩聽法來天女依岩老
梵僧須弥傳納芥觀此信還曾

壁毀丹青在移來殿廡深賦形變態觀佛竟无心旌旆翻空色笙芋含
妙音風流出吳棣遺法到如今

彼岸寺武宗元比部畫文殊玄奘

遺墨消磨頽陸餘開元一一數吳盧本朝惟有宗元近国本長留後世模
出世真之氣雍穆入蕃老釋面清癯居人不惜遊人愛風雨侵陵色欲无

圖畫

張秀才見寫題

潦倒形骸山上檇每經風雨輒踟躕蒼君為寫支離狀異日長看老

落筆縱橫中自喜賦形深穩妙無餘偶然掛壁低頭笑俱幻勞妨彼亦如

子昔在京師畫工韓若拙為子寫真今十二年矣容兒日衰展

卷茫然葉縣揚生畫不減韓復令作之以記其變偶作一首

白髮蒼顏日日新丹青猶是舊來身百年迅速何曾住方寸空虛老更真

一幅蕭條寄衰朽異時鬢髮見精神近存八十一章注從道老聃門下人

周昉畫美人歌

深宮美人百不知飲酒食肉事游嬉彈絲吹竹舞羅衣曲終對鏡理鬢眉

岌然高髻呈釵垂雙鬟髮窈窕華髮微宛轉躑躅從嬰兒倚檻拊檻皆有姿

擁扇執拂知從誰瘦者飛燕肥玉妃俯仰向背樂且悲九重深遠安得窺

周生執筆心坐馳流傳人世眩心脾飛瓊小玉雲霧幃長風吹開忽見之

夢魂清夜那復追老人衰朽百事非展卷一笑亦胡為持付少年良所宜

秦號夫人走馬圖二絕

秦號風流本一家豐稷穠葉映雙花欲分妍醜都無處夾道游人空嘆嗟

朱填玉勒控飛龍笑語諠謹步驟同馳入九重人不見金鈿翠羽落泥中

泠泠谷

層崖落飛泉微風泛喬木坐遺谷中民家一有琴筑

玉龍峽

白龍畫飲潭脩尾挂石壁幽人欲下看雨電晴相射

觀音峯

倚崖開翠屏臨潭置苔石有所獨無人君心得未得

垂雲泚

未見垂雲泚其如歸興何路窮雙足熱為我洗盤陀

勝金崑

置馬步崑間崑前得平地肴蔬取行簾粗飽有餘味

寶華崑

團團寶華崑重入陰珍木歸來得商鼎試鬻溪邊綠

陳彭祭

蒼壁立精鐵懸泉瀉天紳山行見已久指與未來人

鵲源

溪深龜魚驕石瘦椿楠勁借木蘭船寬我共鞋病四詩皆記

呂布道少鄉松局圖

溪回山石間蒼松立四五水深不可涉上有橫橋渡溪外无居人盤石平
可住縱橫遠山出隱見雲日暮下有四老人對局不回頭石泉雜風
耳如暴雨不問人世喧自得山中趣何人昔相遇圖畫入統素塵埃
壁永日奉樽俎隱居畏人知好事竟相誤我來再三歎空有飛鴻
從之游不惜爛樵斧

畫李董生畫山水屏風

永平百事足鴻都无不有策牘試篆隸丹青寫飛走紛然四方集狐兔
萃林藪何人知无益長嘯呼鷹狗奔走城邑驚顧念餬口素屏開白雲
稱我茅簷陋濡毫願揮洒峯亦映巖窰巨石連地軸飛布馮天漏紫山
一徑通過水微橋構山家煙火然遠寺晨鐘叩僧從何方來行速午齋後
有客呼渡船隔水唯病叟听然發一笑此處定真否人生初偶然与此誰
壽卿窮妾自怜一醉輒曰富客至一茫然邀我沽斗酒

文化茂展

畫李董生畫山水屏風

